

续资质通鉴长编

續貴州通志卷之四

續資治通鑑長編卷一百七十二

宋 李燾 撰

仁宗

皇祐四年春正月辛亥徙英州別駕唐介爲全州團練副使監柳州酒稅

王堯臣王守忠陳旭等較慶厯皇祐總四年天下財賦出入凡金幣絲纈薪芻之類皆在數其參相耗登皇祐元年入一億二千六百二十五萬一千九百六十四而所出無餘爲書七卷丙辰上之詔送三司取一歲中數以爲定式

二年正月受命至是乃上之

庚申乾甯軍獻古鐘詔送詳定大樂所

實錄明年二月末又書乾甯進

古鐘本志亦在明年二月而此年所進志獨不書恐實錄重出也今止存其一明年二月不復書

丙寅聽吉州司理參軍祝紳持兄服初江南東路體量
安撫言紳幼父父母養於兄嫂已嘗爲嫂服今又請解
官持兄喪上曰近世蓋有匿父母喪而干進者今紳雖
所服非禮然不忘鞠養之恩亦可勸也旣聽之仍候服
闋日與幕職官知縣詔昨爲唐介顧涉結附合行降
黜亦慮言路或塞尋與敘遷尙恐言事之臣有所顧忌
御史臺諫院其務盡鯁直以箴闕失仍令通進司或有
章奏晝時進入必當親覽或只留中此據會要四年正月十九日丙寅也
戊辰詔御史臺臣僚年七十因體量罷官或分司致仕
者更不推恩子孫
己巳詔許諸路轉運司災傷處貸民種食卽不得以勸
誘爲名抑配人戶

壬申樞密直學士工部侍郎知福州劉夔請解官歸武

夷山爲道士不許尋命知建州夔建州人遂以戶部侍

郎致仕

知建州在今年十月戊戌致仕在明年四月今并書之

癸酉刑部郎中江東轉運使張沔直史館翰林學士趙槩等言沔早居臺省頗聞清謹乞加褒擢故也

乙亥塞郭固口

二月戊寅上謂輔臣曰東南歲比不登民力匱乏嘗詔損歲漕百萬石今發運使施昌言許元乃欲分往兩浙江南調發軍儲是必謀誅剝疲民求羨餘以希進爾宜約束之因詔昌言等遵前詔毋得輒有科率

己卯降利州路轉運使度支郎中李熙輔提點荆湖北路刑獄度支員外郎張紀知歙州並坐按部無狀也

庚辰兵部郎中傅永爲戶部副使慶厯末永自梓州路

轉運使移陝西

慶厯八年正月自梓州徙

關中用折十鐵錢盜鑄

不可勝計公私患之永獻策請變錢法至境問民所乏

貸以種糧錢令麥熟納償而薄取其息民大悅永亟檄

州縣凡散二百八十萬緡大錢悉盡乃以聞已而朝廷

變法遂下令以小鐵錢三折大鐵錢一民出不意破產

失業自經死者甚眾而盜鑄亦以衰止所貸得麥四十

萬斛商人入粟於邊而受錢於中都歲五百萬緡時河

北奏乞錢朝廷未有以給永言本道倉廩實請以所當

錢界之上嗟賞自康定用兵陝華以西移輸稅於邊民

力大困永令輸本郡而轉錢以供邊糴儲亦無乏王堯

臣詳定課績上其事又賜詔褒之尋召入權糾察在京

刑獄於是權副三司民傳永傳云永獻策請變法既悉貸

多破產失業而盜鑄亦止按變法在慶曆八年六月乃

用三司議或因永獻策亦未可知若謂永遂下令以

折三則是永自擅作法罔民初非朝廷變法也朝廷變

法適與永貸民大鐵錢相先後蓋永悉貸民大鐵錢大

錢雖折小錢十而小錢六十可改鑄大錢五且有餘即鄭

錢所云盜鑄獲利十之六也永前貸民大錢今但用小

錢又以小錢三折當十大錢一其前似優貸者其實陰

奪盜鑄之利也永傳載此事殊不了今略加刪潤使

曉詔開封府比聞浮薄之徒作無名詩玩侮大臣毀

罵朝士及注釋臣僚詩句以為戲笑其嚴行捕察有告

者優與恩賞

辛巳降提點江南東路刑獄都官員外郎張肅知睦州

同提點內殿承制閣門祇候趙牧小處監押先是朝廷

以京東淮浙江湖災傷令轉運提點刑獄分路巡察而

肅等稽違不行乃奏準編敕每遇出巡仍須同行又請

賣資台通鑒彙編

卷一百七十二

三

挈家於分定州軍上曰始令分路巡按蓋急於撫卹疲羸督視盜賊而肅等乃欲挈家以自便故降之
癸未命御史中丞王舉正與三司同詳定冗費

甲申右屯衛大將軍克繼上廣夏竦所集古文韻六卷
上謂輔臣曰宗室中嚮學者鮮獨克繼孜孜於字學宜降詔獎諭仍以其書送祕閣克繼德恭孫承慶子也
乙酉端明殿學士兼龍圖閣學士禮部侍郎集賢殿修撰李俶以母老乞解官奉養從之

丁亥詔每歲汴口祭河自今兼祠十七星初司天監靈臺郎王太明言按占書主河江淮濟溝渠漑灌之事凡十九星汴口祭河濱七位而不及星詔司天監詳定而言十九星內亢地主波水往來送迎之事北河爲契丹

北戒南河爲越門南戒土司空掌土功事皆不主江淮
濟太明所遺有箕斗奎三星顓主津瀆請與東井天津
大江咸池積水天淵天潢水位水府四瀆九坎天船王
良羅堰等凡十七星案此所載止十六星考宋史禮志東井下有天津星名原本遺漏今
入增在天河內者並當祠之汴河口祭星自此始
己丑詔夏國歲遣首領進奉其引伴押伴自今選練習

邊事人

庚寅西上閣門使惠州刺史劉兼濟知雄州先是邊民
避罪或入契丹契丹輒納之守將畏事不敢詰兼濟
悉移檄責還

己亥詔河北安撫轉運使知博州蔡挺與入內都知張
惟吉同議六塔河利害以聞時郭固雖已塞而水勢猶

壅議者議開六塔河以分其勢故命惟吉等按視之初
井淵為賊所執挺言宜如漢喬元不以其子故遂緩捕
賊朝議從之時河北多盜挺以選知博州申飭諸縣嚴
伍法訪得嘗為盜賊者數人貸其宿負補為吏使察知
諸偷所在每發必得之且言均博平聊城兩縣稅歲增
鉅萬田況為三司使上其法行之諸路然大抵增稅百
姓苦之

均稅事宋史削去今附見當考

庚子蠲湖州民所貸官米四萬斛 入內內侍省言近
來諸處多將無例事件乞本省差使臣傳宣切恐援例
請陳紊亂詔條乞自今並送所轄去處令檢會條例施
行本省更不差使臣傳宣從之

此據會要二月事今附月末

三月丁未兵部員外郎天章閣待制知諫院包拯為龍

圖閣學士河北都轉運使拯在諫院踰二年數論斥大
臣權倖請罷一切內降曲恩又列上唐魏鄭公三疏請
置座右以爲龜鑑別條七事一曰陛下天縱寬仁容納
羣下而儉險之臣肆矯妄飾無根之說誣陷善良使坐
受排斥不得自辨夫陰姦得計則忠義之臣懼讒恐禍
不敢當事儻有急猝則朝廷所倚何人願陛下發神明
之斷如察見厚誣亟付有司研覈其實使是非較然則
忠臣可以竭節圖効矣二曰比有指臣下之朋黨者其
間奮不顧身獎善嫉惡者則被巧詆進一良士必曰朋
黨相濟退一庸才亦曰朋黨所嫉使正人結舌不敢公
言是非此爲國之大患也夫聖明在上安有朋黨朋黨
之敝起於衰闇漢之黨錮始於安帝極於桓靈唐之朋

黨起於穆宗甚於文宗武宗以陛下勵精圖治豈比漢唐衰闇之際乎斯乃臣下務相傾軋以快其志不顧國事者也陛下循名察實因迹照心毋以朋黨爲疑則君子小人可辨矣三曰頃歲大臣專政忌才有所開建則謂之沽激是以莫敢自効或不顧時忌指事陳說則百計阻撓訖不得施夫在位雖眾志於國家之急者甚鮮幸有一焉又脅於沽激之說是則因循懦默者爲得計志士仁人終無以爲也此任事之臣圖私醜正豈陛下之心哉願收納公議別白否臧勿以沽激爲猜則人得盡其心矣四曰議者謂陛下頗主先入之說夫朝廷之事顧理道何如不繫說之先後也必若先入者爲是則害賢牟利之臣陰中厯詆惟恐居後亂天下邪正掩陛

下聰明願聽受之際但顧事之是非裁之以義勿甘先
入之說則情僞明矣五曰比者所設科禁動有防疑闕
一御史須舉二員奏俟親選又限以中外及嘗爲二府
諭薦者皆不得預輔臣惟旬休見客若百官巡廳白事
臺諫官私謁刑法官按見雪罪敘勞之人率有常禁臣
謂皆非帝王推誠待下之道也陛下方將擬迹堯舜豈
如漢武雄猜多忌哉蓋有不識大體之臣過防謬論上
誤聖德臣恐書之史冊取譏萬世願革近制推大信於
羣下朝廷政事一法景祐之初則盡善矣六曰比年災
變數見蟲蝗水旱所被甚廣陛下焦勞求理恐一物失
所聖心若此豈不能弭災沴和陰陽哉此殆執政不能
同寅協恭以救時弊陛下亦或有所間阻不能委任責

成故致此也方今流民頗眾帑廩空虛官濫兵驕敵人
強橫不幸游饑加以寇盜在位之臣誰可倚者陛下何
不以事觀之孰能盡心思天下之敝孰能出力當天下
之責果得其人則宜主張而委任之其持祿取容妬賢
妨能以爲身計者速罷免之毋俾久塞要路化危爲安
易於反掌儻失此時而不亟爲禍變一發雖欲有爲不
可得矣七曰近歲臣下竄逐或以無辜或因小過或爲
陰邪排陷或由權要憎嫉吹毛洗垢以求疵瑕刑網密
張罪罟橫冒夫匹婦含怨亢陽累年匹夫懷憤飛霜下
擊彼非辜竄逐之臣氣感天地精貫日月詎止匹夫匹
婦之爲乎願陛下躬閱謫籍察其有才行功實而無大
過者或與牽復或加寵擢則聖造洪覆與天同德譖陷

之風不敢肆矣疏奏多見采納

拯所陳七事據正史今

蓋誤也朱本已削去然亦不能辨其非至豈與拯同

此嘗建議罷河北屯兵分之河南兗鄆齊濮曹濟諸州

遇警即發且無後期不及之患如謂屯兵不可遽減則

訓練義勇以壯邊備雖小給餼糧每歲不當屯兵一月

之費用一州賦可給義勇十八萬朝廷難之於是復奏

曰拯本傳云拯前此嘗建議無事時請徙兵內地不報

非至是復請云云事為一事故與實錄不合今略加刪潤仍兩出之訓練

義勇代戍兵已具元年三月都臣竊見天下之患在乎

三路而河朔為甚穴兵耗於上公用蠹於下內則致帑

廩空竭外則致生靈困弊臣前後累曾論列乞那移兵

馬於河南州軍及罷諸處公用回易尋委逐路安撫轉

運司相度終未見果決施行況北界請和四十餘年歲遺金帛數十萬者是欲寬國用而紓民力爾方今邊鄙無事正是保國息民之時而屯兵益眾用度益廣每年河北便糴糧斛三四百萬石約支見錢四五百萬貫僅有二三年之備雖朝廷竭力應副亦所不逮日甚一日臣恐數歲之後必有不可救之患至如寶元已前天下無事財貨充足一旦吳賊猖獗調發旁午公私窘絕迄今未復以今事勢較之往日則不侔甚矣萬一或有警急何以取濟且邊狄者四肢也河朔者心腹也幸而外無邊陲之虞河朔塗炭如此是防手足未然之患而自潰其心腹也則朝廷安可不深慮而務救之之策乎若上下協心更張措置如反掌之易而有太山之安又何

憚而不爲哉欲望宣諭兩府執政大臣應沿邊及近裏
州軍兵馬除合留防守外其屯駐泊諸軍悉令歸營
就糧諸軍分屯於河南諸州率三年一代遇有邊事卽
時起發不旬日可到也其逐州公用錢除沿邊及人使
路分州軍量與增添外諸路一切禁止並不得回易則
國用民力漸可完復惟陛下務念元元斷在必行若更
令逐路相度則互執所見益無涯矣分屯事訖不行諸
州以公用錢回易遂罷居數月拯徙爲高陽關路安撫
使因籍一路吏民積歲所負公錢十餘萬悉除之

徙知瀛州

在七月戊申今并書

戊申權知開封府龍圖閣直學士起居舍人李絢同提
點在京諸司庫務絢治有能名然喜飲酒晨朝奏事酒